

海澄縣志卷之十四

人物志

宋列女傳

節婦

烈婦

烈女

貞女

節婦

王 氏 陳 氏

蘇宋傑妻王氏青礁人年二十一而寡家貧父母欲奪其志時方娠指腹誓曰男女未卜俱當守死不二母銜之絕其往來既生男猶不聽歸寧洎男稍長乃曰吾今聽汝矣氏孝其親如故年八十五終子曰珪習舉子業珪生竦竦生溥兩世成進士時論榮之

海澄縣志

卷十四

列女傳

一

許登妻陳氏唐將軍陳元光裔孫也祖天正從元光開漳二家故世勳裔登少時未知學陳諫曰席先蔭奈何自墜星辰夜燭勤可進德豈但取青紫耶登感其言遂力學三領賢書紹興戊辰成進士知興國州時天下將亂陳知事不可爲曰何不爲明哲保身乎登遂與陳偕隱其高行卓識如此

論曰王誓腹中之兒爲蘇開其先陳相幼學之夫爲許振其繼王又能孝其親不以怒故而弛賢母也亦賢女陳勸其夫早退賢媛也抑亦良朋

明列女傳

節婦

陳氏

魏氏

曾氏

胡氏

蔡氏

江氏

何氏

張氏

陳氏

陳氏

李氏

李氏

陳氏

吳氏

李氏

謝氏

鍾氏

林氏

陳氏

王氏

石氏

劉氏

蔡氏

陳氏

陳氏

趙氏

林瀾妻陳氏陳伯游女也適瀾踰三歲瀾暴卒生男養盛纔一歲陳慟哭幾喪明父憐其貧欲嫁之以死

海澄縣志

卷十四

列女傳

二

自誓事繼姑孝時大疫同居多死者姑病篤或勸之避陳携兒日侍湯藥未嘗離側姑歿氏與孤子俱無恙人以爲孝感夫叔長史林浩嘗歎曰真吾家貞婦也當道命旌其門

黃顯妻魏氏顯臨歿魏年尚少斷指與夫訣後翁姑相繼死於疫魏躬殮不避凶厲父母欲奪其志魏不可以死誓之卒年八十有九三山林楚作節孝傳紀其事

蘇鴻節妻曾氏年二十夫歿無嗣父母勸令再適氏擲石見意家人強之遂斷髮毀形且以死拒自是不

復歸寧請於舅姑立嗣年八十五終宗人運判蘇殷義之每歲首率族中子弟拜之

蘇可教妻胡氏戶部郎中文耀女也可教應試溺水死胡躡踴江濱籲天求之三日得夫屍抱手足親沐慟絕者屢遺孤民俊甫六日百計護持謝絕歸寧雖暮功不及見面民俊弱冠舉南宮第十人授戶部主事疏陳母節奉旨豎坊旌表

蔡氏蘇謙妻生二子謙死欲以身殉念藐孤呱呱舅姑在堂未可輕生也乃矢志守貞父母屢欲奪之氏斲兩目喪其明茹荼集蓼數十載及舅姑終堂藐孤

海澄縣志

卷十四

列女傳

三

成立逢夫諱日素服拜奠畢閉戶自經時宏治二年七月二日也方其嫁時婢女張氏從未抱衾裯感氏貞節義共相守以終其身卒葬氏墓側

張思濂妻江氏橫州學正江必東女也思濂以羸疾終江年方十八無子而翁姑老忍死奉事值倭寇亂翁繫焉江罄貲託所親詣賊壘贖翁翁免而家益貧江矢志益堅撫五歲姪爲夫後翁姑壽終負土葬如禮已乃舁夫棺祔葬焉迨後年踰五十守節已三十七年鄉人相率舉節孝狀江悲感累日遂寢疾卒直指下檄禮其廬併給日廩時江已先卒事寢不行

鄭彥明妻何氏年二十適鄭三載夫亡撫前子若己
出舅憐其寡給銀四十兩爲資用何俟孤十六歲付
之封識宛然孫爾相以歲薦仕祁陽知縣
張氏鎮海衛指揮應襲桂蕃妻蕃爲父奏事于京道
卒張年二十二子方在乳哀毀守志坐卧一小房人
罕見之以壽終

陳氏鎮海林裕妻夫死年方二十事舅姑三十餘年
始終勤謹身老無歸丐一子畜之以承夫祀

陳氏鎮海衛林雨濮妻十八歸林二十稱未亡人家
貧唯一女矢志守節不可奪父母憐之依外家終身

海澄縣志

卷十四

列女傳

四

焉崇禎十年以貞節旌門

柯喬清妻李氏夫客死饒州李聞訃哀慟絕食七日
翁勉慰之乃稍啜菽孤子挺尚幼兩叔傲悍皆耽耽
視或諷其改志李終不爲奪嚴持門戶課挺力學卒
成進士爲御史以子貴封孺人年八十終
阮紹煌妻李氏名義姑夫歿父母以其無子將嫁之
義姑斷髮誓志終節不渝鄉人上其事於督學高公
命具儀旌焉卒年八十餘

郭瑄妻陳氏生男甫五歲而夫歿家貧傾橐殯殮哀
毀骨立父母欲奪其志氏撫棺號慟淚盡血繼父母

懼乃止值凶荒廢餐養兒每夫忌日號慟如初竟以喪明終人義而哀之

鄭珂妻吳氏從化令鄭景昂子婦也夫歿水漿不入口姑解之曰婦孕已七月何忍更絕夫後乃勉起進粥越三月果生男遂撫孤以守翁姑喪葬恪恭襄事族戚交譽之邑令毛鳳鳴表其門年七十三卒孫王都戊午鄉薦

江必鸞妻李氏鸞歿李自分必死親諭以死易立孤難乃撫子周楫以延一綫比長娶婦郭氏周楫又故慟弗自勝郭氏慰姑願終事姑以保餘年姑婦後先

海澄縣志

卷十四

列女傳

五

完操邑令陶鎔贈以穀帛扁曰窮簷雙節竝時有鍾廷瑜妻高氏廷瑜早世高孀守呱男二人長以勵娶連氏亡何以勵早世亦姑婦相守以至垂白云

江光彩妻謝氏行人稱八娘贈中憲大夫謝君禮女也家貧夫出遠商萬歷癸卯呂宋酋戕殺華人無數光彩與焉八娘聞訃欲絕姑及祖姑慰之曰有遺腹在萬一產男祀可勿斬也閱三日果生男荼苦備嘗育懷間兒以成立祖姑及姑後先歿氏皆敬謹襄厥事

吳廷輿妻鍾氏夫歿值荒年父母勸以他適氏死拒

之事繼姑張盡孝張亡阿翁老疾侍養尤謹撫夫弟二女恩同己出以壽終

林氏周士達妻隆慶庚午士達赴鄉試溺死林欲躬往求屍舅姑不可命長子往屍竟無獲林坐卧一席地淚漬數磚久之隱隱有血迹氏矢志撫孤三十餘年不出戶庭孤尚德萬歷辛卯鄉薦氏以壽終督學使者旌其門

周學樂妻陳氏學射妻洪氏俱學正周一陽子婦也學射從父任豫章之盱江卒又三載學樂亦卒二婦生同庚孀同室各勤紡績以供甘旨洪課子嚴起元

海澄縣志

卷十四

列女傳

六

成進士爲名臣而洪先逝不及見陳及抱孫而死子起龍後爲南昌別駕二婦冰玉相映時論美之直指

李凌雲以雙節疏聞有詔建坊

大
宗
伯
覆
疏
畧
云
二
氏
妙
齡
守
節
苦
志
成

一
家
貧
而
供
母
暗
以
借
照
庭
無
雙
飛
之
燕
守
堅
一
十
九
年
家
有
特
起
之
龍
名
騰
千
八
百
國

魏統妻王氏同安人年十八適統事姑至孝姑卒其明年統亦卒氏慟哭復生者屢子呈鑄甫三歲叔利其所有思甘心焉不得已乃徙依外家久之又依其姊蓋姊壻趙孝廉教授鄉里兒負篋良便也久之復歸外氏賃草舍以居曉夜督課藐孤兒學懈輒自刺其掌兒爲驚奮比呈鑄補邑諸生氏乃歸故居爲夫

營窀穸而終老焉晚歲修文江石路數百丈而人不知誰氏之遺所坐紡績處終歲不離尺寸家人至起立慰勉之比去輒還坐如初其貞靜類此年七十餘邑令梁兆陽下教旌之

李任祿妻石氏夫死遺孤世奇方九歲氏手傭撫且教小過必扑曰若母負我使我負九泉人世奇成進士入中秘以母老歸養鄉里欲以氏苦節上聞氏愀然謂世奇曰嬾事夫猶臣事君適際其難亦職所當爲何節之有且汝幸通籍於朝天之報我不薄若復爲旌人將謂以庶常之母故非旌庶人妻也若其求

海澄縣志

卷十四

列女傳

七

庶人妻之苦節者以闡潛德屬撫按疏薦世奇并及母節奉旨令縣官月給白粲一石以爲母膳猶能杖起謝恩二孫基泰基益掖之成禮時年九十二矣又後二年卒

劉氏名稚字德馨鎮海人適書生蔡珙珙客死遠方劉年二十餘聞訃慟絕者再一日拜哭靈前欲以身殉翁曰在古死節非難立孤難耳苟死如夫何且翁姑老矣惟若能孝婦存卽兒存矣倘若死吾翁姥復奈何遂從命爲夫立孤飲食衣服皆從十指中出晚年置田若干畝以奉先祭曰此先夫志也未亡人敢

不緩須臾死勉承之乎以壽終

陳大貫妻蔡氏適貫五載婦道備至夫爲族蠹凌毆嘔血卒蔡誓同死自縊者數次小姑輒防護救解且勸曰死易立孤難嫂獨不念乎乃止家貧紡績供衣食課子通經夫忌日必設血衣號慟如初喪有司表其門曰苦節崇禎癸未曾孫國璵成進士人以爲氏苦節之報

林瞻曦妻陳氏郡司馬一奇婦萬戶元戎文煬女也十六于歸相夫成令名未七載夫病且篤氏泣曰願相從先後無幾何夫曰死易遺孤貽父母憂乃嚙指

海澄縣志

卷十四

列女傳

八

以誓後孤成立則便同穴旣事翁終制訓子通經孝姑敬叔和妯娌御臧獲俱可爲巾幗楷模及孤昏畢氏疾作召孤曰夙期已戒你父其相須無庸藥石爲也言訖遂卒士論嘉之列名具呈學憲請旌以亂竟寢

江汝松妻陳氏夫歿公車訃至家子思孝生甫三日氏慟哭不自勝以思孝故勉起成服久之母諷改志陳指孤泣曰江氏四世遺此而已因斷髮自誓姑沒值洪水暴漲終夜守柩立水中號天大慟水爲退卒年五十餘有司表其門曰節孝

趙氏陳一韓妻也一韓署遼州城陷巷戰死焉有孤曰燿曦方稚趙聞訃哭慟而縊姑救之得不死乃勸以存孤趙受命卽撤其家人僅留一老嫗曰余寡婦也不可以僮僕供使令課燿曦非祭事不使出及燿曦登賢書趙氏病將奉藥辭曰余事畢矣死生命也吾死報汝父復何恨哉蓋寢疾數日而卒

論曰婦人之義從一而終讀栢舟詩君子悲其志焉陳氏而下咸以嫵婉邁彼坎軻鏡鸞影孤貞操無改或承親以孝或啓後以慈用能振厥家聲完茲闔德下視鬚眉男子菁華朝竭褰裳夕移可勝

海澄縣志

卷十四

列女傳

九

三歎

烈婦

葉氏

許氏

黃氏

游氏

黃氏

朱氏

陳氏

林氏

蕭氏

陳氏

王氏

蘇氏

陳氏

朱氏

鍾氏附

莊氏

蔡氏

邱氏

戴氏

魏氏

黃氏

陳氏

林氏

黃氏

郭氏

陳氏

蘇氏

林氏

鄭氏

庠生林鳳翔妻葉氏稱二娘同安葉士品女夫亡事

姑孝謹嘉靖三十八年倭奴入寇流賊乘勢劫掠葉往同安襄父喪與衆婦避賊涉淺溪猝與賊遇衆婦被執葉獨與抗賊刃其胸葉大罵曰死賊何不速殺我賊刳其脣罵不絕聲遂死之萬歷丁丑奉旨旌其閭

謝君福妻許氏嘉靖四十年倭奴掠濱海君福攜妻避難道遇賊追君福甚急許曰賊所以追利妾也得妾必死君君不如釋妾自全妾死君可收吾骸福故勇悍左手提刀右挾許狂走賊追益急許慮并命咬夫指自脫賊擁之去行數百步度夫已免厲聲罵賊

海澄縣志

卷十四

列女傳

十

求速死不得則自投水中賊引出之罵益甚賊加刃焉捧血自塗面賊刳其腹至死愈厲參政劉洪謨聞而旌之

黃氏鎮海陳應科妻嘉靖間賊陷城黃適歸寧父家父命與俱逃嘆曰賊已盈城逃將焉往旣而賊攻其門黃義不受辱卽投井死其母繼之事定呈舉旌獎游氏鎮海林可貞妻饒賊擄之行過天尊堂遂投井死

黃氏鎮海生員陳基妻饒賊陷城基持刀抗鬪賊格殺之黃氏痛夫卽投井死衆具呈旌獎

生員黃師文妻朱氏涂文妻黃氏姑嫂也嘉靖辛酉饒寇之難同被執俱投井死

陳氏適鎮海康起鳴甫一月而夫死既卒哭遂入寢室自經以殉

林氏鎮海翁瑞夫之妻被賊執不屈抱子投井死

蕭氏鎮海朱簧妻城陷同妯娌許氏蔡氏張氏共繩自縊死

陳氏鎮海吳志豪妻聞城陷先投井死

王氏鎮海黃輝妻嘉靖四十年閏五月饒賊襲陷衛城輝出覘賊賊猝至不及避賊入室王度不免見賊

海澄縣志

卷十四

列女傳

十一

掠戴夫帽痛詈之以手批賊頭墜其帽賊殺之事見黃氏家譜

王大景妻蘇氏蘇克辨之女也嘉靖四十年避倭鎮海饒賊襲陷衛城蘇氏與大景扶姑出奔遇賊死之賊退收殮容色如生觀察黎公元旌其門

陳氏鎮海庠生黃曰勤妻萬歷四十四年以貞烈旌許光妻朱氏許瑞妻鍾氏並本邑九都人賊至溪尾獲朱氏驅之去不從殺之并剗其孕繼獲鍾氏被脫追及之亦遇害屍碎斷焉里人傷之

莊氏鎮海衛千戶林華妻華病莊氏罄所有求醫治

之弗効華卒僅一女二歲莊氏哀不自制乃以夫遺業併所生女付伯氏托爲撫養夜自經死時年二十八歲

蔡氏鎮海衛郭道膏妻年二十夫亡哭臨三日自縊殉之事聞旌表

邱氏鎮海衛李春元妻饒寇陷城邱與姑蔡被執賊索賄欲鞭其姑邱泣訴以身代賊怒拽殺之邱俯首就戮顏色不變賊感其孝遂釋其姑

生員朱鐸妻戴氏扶姑避賊遇賊欲繫之罵曰吾頸可斷不可繫賊怒砍之并欲殺姑戴負重傷翼蔽姑曰寧殺我賊義並釋之出城復遇倭寇不屈如初遂見殺後五日家人收其屍色如生

魏氏鎮海鄭洪顯妻夫遘疾將屬續潛縊於樓而死時年三十一歲

黃阿姐鎮海朱賢良妻嫁夫踰年而夫亡母張氏諷令改適氏知母不諒己也密製殮具一日晨起梳洗更新衣閉臥房縊死士民呈舉其事給匾旌異

陳氏鎮海鄭嘉猷妻猷病篤永訣誓與同死猷卒當夜就縊以救免絕粒八日竟死事聞撫按立碑旌表之

林氏鎮海衛生員陳美章妻章病篤林氏割股爲羹以食之竟弗起林氏號慟躄踊有頃而死
黃氏二十三都黃仕求女年二十一適鄭承惠三年而寡哀號顛天願以死從越七日哭奠如禮自縊死視其殮具皆預爲之嘉靖間有司上其事以節旌
郭氏二十三都崎林人適林作惠生一男年二十八夫亡以死自誓其家防之嚴弗獲所志一日忽付孤於姑氏曰吾將往視夫墳至墳所拜哭盡哀投深潭死邑令房寰旌其閭

陸瓊妻陳氏年十九嫁瓊未幾瓊卒舅以室隘移柩

海澄縣志

卷十四

列女傳

十三

山陬陳請置臥內不聽明日往視柩大慟曰我在也夫墓荒野乎歸自縊死

蘇三娘其夫周某坐應戍三娘偕行至建州夫病歿抱幼子返夫家恐累不納因投外家日痛其夫一夕自縊於蘇園樹下其夜羣蟻擁土埋之次早已成墳矣歷二百餘年風雨飄搖而墳土完好無恙

林氏馬鵬振妻振以酋變死氏聞訃慟哭絕粒數日不死乃自經而隕邑令姚公之蘭旌其門曰節烈遺風

鄭氏鎮海游晏妻也晏素貧賤朝夕不能自給氏以

女工資薪米一日晏病革謂氏曰家貧子幼守節實難且汝年少我死可亟嫁氏泣曰妾本游家婦當作游家鬼豈有生同衾而死不同穴者耶遂更衣嚴粧自縊夫前有司哀其烈給扁旌獎

論曰禮義之風雖由政教然貞烈之性不待詩書也澄之先僅一大聚落耳而士女能曉大義殉夫植節者指不勝屈時平則閨閣鸞孤能從容而就義遇亂則干戈玉碎遂慷慨以捐生因舉其最著者列於篇

烈女

海澄縣志

卷十四

列女傳

十四

郭四娘

鍾三姐

謝三娘

吳開姐

江勤姐

張氏

蘇氏

郭四娘者郭明先之女也許配劉運復甫笄未嫁劉讀書抱奇疾四娘減膳毀粧亡何訃至四娘誓以身從父母防之密而志益堅越五日乘閒自縊死遂合葬嘉靖三十八年也

鍾三姐鍾可久女許配儒士曾省研研讀書遠郡歿於道鍾聞訃卽匍往夫家治喪哀毀骨立日不再食既終喪哀淚不輟旋自縊死

謝三娘謝士棟女許配楊應鈞萬歷癸卯鈞以呂宋

之變身殞異域三娘聞訃卽料理奔喪母力拒之三娘呼號慟哭移時自縊死年纔十六耳死之夕楊家女夢見應鈞娶婦新婦素衣侍立牀前質明而耗至蓋魂先往夫家矣邑令姚公表其門曰正氣天植吳開姐九都儒士黃旭炯未婚妻也年十八聞旭炯病革密禱身代訃至欲自經父止之曰女子死烈當在夫家此非其所也乃促弟輩往白夫家素帷白燈導之去哭奠如儀晨夕坐臥喪側姑知其必死防之甚周迨卒哭成禮會諸妯娌談笑自若防者稍疎一夕沐浴整衣就縵而殞閱宿顏色如生邑令劉斯堦

海澄縣志

卷十四

列女傳

十五

親往祭之觀者如堵嗣奉旨旌表建坊署曰天挺貞

烈

相傳女嘗與嫂聯坐而績雷起座旁嫂怖仆地火繞將及身女端坐不動恐焚筐中麻盡收入懷袖

坐視雷火騰空去乃呼嫂甦其凝定若此

江勤姐澄人許配龍溪儒士郭遜遜病故江持服哀慟累日不食所親譬解之不能得竟自縊死顏色如生遂合葬於郭氏當道旌其門曰貞烈可風

張氏千戶明次女也衛指揮王瑤有二子長聘桂次聘張未幾長子死悔張盟以次子婚於桂明往瑤家欲以死鬪女私謂母曰慕富人情也我家貧乏何往不見棄勸父勿以女故重自傷因潛閉戶自經死

蘇氏蘇攀妹賊欲犯之罵不絕口賊支解其體

論曰衛女嫁太子中道而太子死遂往當喪終之以死君子以爲過禮元時有郎氏女受聘未行夫卒自縊余忠宣以爲未合中庸要之皆奇節也男女配合命之父母當許字之日卽身屬之矣何必同牢乃爲夫嬪乎窮巷幽妹烈節殉身雖過於禮可以爲難矣

貞女

柯三娘

吳二姐

蔡氏

柯三娘者柯乾恭季女也乾恭弗嗣有女三長次俱

海澄縣志

卷十四

列女傳

十六

適人三娘性至孝將及笄父爲擇壻辭曰父母老誰供菽水者請終侍養父母憐之謀擇贅曰彼入贅我家仍可侍養一舉兩得之三娘曰分女孝非始願也咬指截髮誓父母乃弗強及二親歿哀毀盡禮衰經未嘗去身服除年猶未四十諸母曰今可適人矣三娘曰若欲適人何待今日吾成吾志不知其他年七十九卒其夕黑雲遶宅久之乃散郡守盧璧上其事中丞龐公尚鵬檄建坊表之

吳二姐儒士吳錦長女也萬歷二十三年氏甫六歲父母許聘鍾巽聲未及嫁而巽聲遊粵至天啓五年

氏年二十有八異聲猶不歸姑許再適氏曰姑誰養者遂入鍾門鍾家素壁立氏工女紅以活所以事姑者備至未幾聲歿於粵姑亦尋逝族衆以貧且無嗣諷使嫁氏曰有他志豈至今日饑寒困苦節操彌勵族衆憐而敬之遞給薪米焉卒年八十有五宗黨爲治喪者百餘家復銘其墓曰未見夫面而終養姑年心同月皎克守女身以無慙婦道節竝天長時康熙二十三年也

蔡氏蔡明揚女許配儒士郭顥仰仰死女年十八聞訃欲以身殉家人嚴護之不得死乃請奔喪父母難

海澄縣志

卷十四

列女傳

十七

之潛受他聘女知之入室自經爲叔母救甦父母始還他聘閱兩月朔日晨起冒雨奔夫家撫棺慟哭眼淚皆血卒哭家長爲立嗣婦姑相依親屬不得見面如是者十年比夫葬訖哀慟絕粒嚼夫親屬養姑撫兒從容而逝直指上其事以聞有旨建坊

論曰古有北宮兒子及晉陵杜貞義姑皆終身不嫁以報所生觀於三娘直鼎足而三若未婚守貞漢晉罕聞魏隋偶一有之有明三百年史氏僅傳慈谿楊貞女今得蔡氏吳氏以補國史之闕亦鼎足而三矣

國朝列女傳

節婦

江氏 林氏 戴氏 陸氏

王氏 楊氏 邱氏 林氏

陳氏 李氏 戴氏 陳氏

陳氏 陳氏 邱氏 許氏

甘氏 甘氏 甘氏 陳氏

李氏 許氏 黃氏 吳氏

黃氏 王氏 薛氏

江氏嫁於張夫死撫幼子一日鄰舍火起氏念柩重

海澄縣志

卷十四 節婦

十八

不可移乃遣其子出獨閉門撫夫柩分與俱亡俄而
雨作火滅子聘婦將娶子又死婦奔喪願奉姑終身
遣之不去也嘗與江庭中坐績見榴樹已枯問曰枯
樹何不去之江泣曰而夫手植者不忍也婦聞言倚
樹哭經宿榴復活花且實十餘年姑死又數年婦亦
死樹復枯惜乎此婦并其名而失之也

舊志叢
談採入

林氏明經林承玉女幼能讀大家閨訓事父母以孝
聞長適貢生陳國璵能佐其家海寇亂米價騰貴隣
媪饑欲死林推食活之鄉有鬻子女者脫簪珥贖之
國璵死林年二十七欲以身殉姑勸止遂矢志撫孤

子寅亮有聲庠序林年七十一卒雍正五年
旌表入節孝祠省志採入

戴氏年十八適林元仰二十一歲夫歿奉侍舅姑備
得歡心撫嗣子能詩朝夕紡績俾親師就學能詩遊
庠明經皆母教也孀苦五十餘載雍正三年 旌表
建坊入節孝祠省志採入

陸氏諸生林日曙妻年十九夫歿老姑在堂遺孤六
月忍死守志後子脩遊於庠氏守節四十餘年雍正
三年 旌表入節孝祠省志採入

王氏儒士吳煒妻家貧以女紅佐夫膏火夫庶出氏

海澄縣志

卷十四

節婦

十九

處兩姑能曲爲承順夫歿年二十四矢志撫子至六
十五歲卒後子維圻以明經任清豐令孫鐘甲成進
士任內邱令雍正九年 旌表入節孝祠省志採入
楊氏郡廩生李之榮妻年二十四寡舅姑在堂不敢
以哭泣戚其親含酸忍痛人謂有敬姜之風焉操女
紅勤紡績所積輒歸舅姑生事葬祭盡禮課子義方
長子振緒遊郡庠學使程公元章旌以匾曰丸荻芳
範年六十六卒雍正三年 旌表建坊入節孝祠
林德懋妻邱氏年十七于歸二十孀守奉姑菽水承
歡撫孤課督成立孤應瑞候選州同知請 旌建坊

三山孫劍光上苑後先成進士人以爲節孝之報云
黃綸彬妻林氏金門守備林翰女年二十一歸綸彬
十三月而寡時有遺腹雙白在堂欲爲黃氏延一綫
乃吞聲飲泣及孤生奉養撫育出自十指舅姑沒喪
葬盡禮教子嚴而有方孀苦三十七年雍正九年
旌表建坊

陳氏洪紹堂妻年二十孀守苦節五十年撫孤子憲
遊庠食餼膺歲薦克有成立雍正十三年 旌表建
坊

郭纘緒妻李氏同安人年十五歸郭氏二十一寡遺

海澄縣志

卷十四

節婦

二十

孤宗儀僅五歲門無期功之親家無升斗之蓄姑葉
氏年七十有二先是亦孀守獨子夭歿一慟幾絕李
氏思欲殉夫念老姑幼子誰託於是茹荼集蓼強慰
姑心極苦節所難堪者皆備嘗之越十一載姑以壽
終喪葬盡禮孤宗儀奮志成立請 旌建坊李氏享
年九十孫曾繞膝四代一堂人以爲節孝之報

戴氏龍溪生員戴光時女年二十一歸黃謙六二十
四寡遺孤方三歲矢志撫育孤復早歿氏哀號慟哭
自經者三救而復甦族爲立嗣及嗣子衍遊庠乾隆
三年請 旌建坊崇祀節孝祠

陳氏歲貢生繼庸女郭東煙之妻也年二十一寡矢志守貞姑老病在床遭大風雨屋將傾氏負姑出險棟折傷股幾成廢疾姑沒喪葬盡禮課子義訓有方現年七十有七子文翰現任永寧典史乾隆四年旌表建坊

陳氏龍溪人年二十歸黃延燦二十五寡奉姑以孝聞撫孤義方甚嚴孀苦四十八載年七十三卒乾隆六年旌表建坊

蘇帥品妻陳氏年十八于歸二十七寡孤子陣方週歲孀守四十九年終身完節陣習縫工年五十未有

海澄縣志

卷十四

節婦

廿一

室家躬爲母滌器洗衣備得歡心巡海道陳公樹著旌以匾曰母節子孝乾隆七年旌表建坊

陳元盜妻邱氏龍溪十一都邱子恩女也幼穎慧父課以內則諸書通曉大義年十七于歸甫二載夫歿遺腹八月與姑相對慟及免身生男奉姑撫孤自矢姑年六十餘夙遭痰疾氏奉侍孝謹及歿哀毀嘔血不休元盜二弟早喪婦皆孀守一門三寡氏爲之倡也子秉謙遊庠先氏歿孫言人庠生乾隆九年旌表建坊

許氏庠生周松妻年二十歸周末三載夫歿遺孤方

十月舅姑在堂氏孝慈兼盡苦節四十餘年現年六十有六子光煜貢生乾隆十九年 旌表建坊

甘氏陳錫類妻年二十六孀守事舅及繼姑以孝聞姑病家用乏絕紡績以供醫藥寢食不離側病革祈禱請代不幸舅姑相繼歿鬻田以供葬事撫孤子淵親師就學淵遊於庠皆荻教也苦節三十五載乾隆十九年 旌表建坊 六十九歲

甘氏許良植妻年十六于歸二十寡庶姑在堂遺孤在抱氏念庶姑爲夫所自出加意孝謹歿未卜葬席地三年旣厝乃安苦節五十餘載冰操如一子振鳳

海澄縣志

卷十四

節婦

廿二

遊于庠乾隆十六年 旌表建坊

甘氏國學生雲龍女貢生許彥詔妻宮保壯毅公之冢婦也彥詔弱冠爲諸生篤學勵行有聲庠序中著有鯉齋詩集不幸賚志歿氏年二十七苦節孀守謝絕鉛華事舅姑曲意承順爲諸妯娌法姑病朝夕祈禱願減齡以延姑壽執姑之喪哭泣之哀幾至喪明居恒勤女紅自宮保公重鎮海疆歷隨宦署雖盛暑隆冬機軸之聲不輟課子嚴而有方稱未亡人四十餘載現年七十子鍾岳候選州同知乾隆十六年請旌建坊

陳氏生員箕疇女也年十八歸貢生林耀澄二十六
寡奉舅撫孤孀苦三十一年終始如一乾隆二十三
年 旌表建坊

李氏林純仁妻年十七適純仁越年純仁與父外出
營生同時報歿氏聞訃不欲生或諭以事姑撫孤爲
重始就啜姑失明十一載常以舌舐姑目冀復明家
貧紡績爲業夫歿孤鴻烈方九歲教誨成立孀苦三
十餘年卒乾隆二十四年 旌表建坊

許氏黃錫瑞妻年二十三寡事繼姑婉婉承順課子
義方苦節四十餘年現年六十五乾隆十九年請

海澄縣志

卷十四

節婦

廿三

旌建坊子澄泮貢生澄淇國學生萬年己卯舉於鄉
黃氏貢生郭臯妻一等海澄公芳泰女也幼習女誡
嫺文墨年二十于歸二十六寡孀守四十餘載子文
禮孫尚珍相繼遊庠乾隆十七年 旌表建坊

吳氏儒士葉以寬妻年十八于歸越四年夫故氏呼
搶迫切痛不欲生族隣共勸曰獨不念老姑弱子乎
不得已勉進粥飲奉姑撫孤孝愛備至苦節五十二
載孤大成國學生乾隆二十五年題請 旌表

黃氏吳亨周妻年十七于歸二十寡舅姑在堂奉侍
孝謹姑瘋病八年湯藥不離側及疾篤焚香禱天願

減齡以延之後姑病愈人謂孝感所致孀苦三十三載子鳴玉遊於庠乾隆二十六年題請旌表
王氏儒士黃錫璿妻年二十一寡奉姑撫孤備極孝慈苦節三十三載現年五十三乾隆二十六年題請旌表

薛氏林一鳳妻功加左都督薛起達女也年十九于歸廿二寡時孤子世捷三歲庠生世拔在腹方六月氏現年六十有四乾隆二十六年題請旌表夫弟一鵬妻陳氏一鴻妻辛氏夫姪世掄妻黃氏世援妻李氏同時並苦志孀居一門五寡皆撫孤成立

海澄縣志

卷十四

節婦

廿四

旌表建坊以上從舊志叢談採入一條餘二十六條皆

郭氏王氏黃氏陳氏何氏
張氏陳氏董氏胡氏陳氏
林氏王氏高氏陳氏洪氏
徐氏許氏高氏石氏王氏
馬氏葉氏許氏江氏曾氏
郭氏劉廷妻廷外出物故氏年二十七遺腹六月及生男矢志靡他事舅姑生養喪葬皆飲冰茹蘖所拮据也家無期功之親依母家紡績度活孤子長授室生孫尚在襁褓而子與婦俱歿氏撫孫倍加孀苦歷

節六十餘年壽至九十有三而卒

王氏儒士歐一鳳妻年二十四夫歿營葬無資盡鬻簪珥以襄事孤方週歲饗殮不給惟勤紡績爲鞠育遇歲荒則園蔬充饑未嘗果腹苦節六十餘年撫孤成立年九十一而終孫耀宗邑諸生

黃氏劉廷伯妻年二十七寡奉侍老姑生事葬祭盡禮撫孤子影隻形單至於成立苦節五十餘年卒年八十有八孫澄海曾孫拔皆遊庠

陳氏國學生林士俊妻年二十三孀守撫孤成立卒年八十有四邑令韓公鍾旌以匾曰孝節傳芳

海澄縣志

卷十四

節婦

廿五

何氏李孫銓妻年二十適李生二子方在襁褓夫歿氏矢志靡他事翁姑以孝聞撫二孤子皆成立苦節五十年年七十六卒道憲朱公贈匾曰母儀風世張氏鳳頭陳國艾妻年十八于歸及寡孤圭鯤甫六歲圭鯨方四月老姑在堂氏矢志守貞事姑終始盡禮撫孤皆成立郡守趙公旌以額曰霜鶴翼詒年七十有五而卒

陳氏名勸娘年十八歸黃逢元二十四寡遺腹纔四月及免身生男矢志孀守當海氛播遷氏扶老翁負孤隨里人入山逃難薄暮人爭投宿古廟氏以男女

不可雜處令翁與子宿廟中而已坐廟門外衣半虎至一吼而退咸以爲孝感所致撫遺腹孤其莊妙年食餼貢成均孫芝芳曾孫龍標俱庠生

董氏江鳳山妻歸鳳山甫一年而寡時年方十九遺腹六月夫家無親屬惟八十老翁在堂氏靡他自矢孝養無方撫遺腹孤必捷零丁孤苦有荻教之遺必捷遊庠氏年五十五卒孫晏乾隆辛巳舉於鄉

胡氏楊應隆妻年二十八寡舅在堂孤旭日尚幼氏勤女紅撫孤事舅備極慈孝旭日比壯遊庠未幾尋歿媳林氏念老姑在堂栢舟矢志孤景洛亦遊庠

海澄縣志

卷十四

節婦

廿六

李文龍妻溫氏年二十夫亡矢志孀守撫孤子五雲五瑞五愷皆克成立苦節三十餘年卒時年五十有六矣

陳氏黃瑞妻年二十夫卒孤子三歲矢志撫育及孤長娶婦亦陳氏生一子貿易遠出陳氏姑婦堅貞自守孀苦萬狀爨火常不舉後染時疾姑婦與孫相繼亡子流落不復返矣

林氏儒士盧崇福妻事姑孝謹年二十四夫亡遺孤一男一女孀守五十餘載男娶孝廉楊菁開孫女女適庠生陳元渚次子不數年男亡婦楊氏二十五寡

女適陳氏二十四寡婦姑母子並冰霜繼節
王氏洪英士妻年二十五孀守遺孤玉前方二歲撫
養成立氏年七十有七卒玉前子維翰入雍其盛庠
生維屏候選州同維屏子珣現任廣平府同知
高氏陳國戴妻年二十四寡甘心守節撫孤子陸歌
遊庠氏卒年六十有七

江氏黃上傑妻年二十五寡舅姑年老遺孤尚幼氏
備歷艱辛四十餘載子芳茂遊庠氏年六十有七卒
陳氏儒士林馨遠妻年二十四寡遺孤三歲姑垂老
在堂氏苦志守貞婦道母道孝慈兼盡歷節三十載

海澄縣志

卷十四

節婦

廿七

乾隆十九年邑令汪家瑛旌以匾曰清標彤管男國
琥國學生

洪氏庠生林開宗妻舉人洪體元妹于歸七年夫歿
氏年二十七剪髮自誓撫孤成立卒年六十八

徐氏蘇元習妻年十七于歸二十三孀守苦節四十
二年卒年六十有五

許氏洪其盛妻年二十八夫歿孤子璲方八歲氏矢志
靡他教誨成立苦節三十一年乾隆四年卒年五
十九璲妻吳氏年二十九亦撫孤孀守無異志云

高氏陳朝棟妻年十八于歸甫八月夫亡孀苦四十

餘年乾隆二十四年氏年六十完節而終
石氏林景興妻年二十寡矢志苦節孀居三十餘載
年五十六卒

王氏盧天付妻年二十六寡撫孤成立苦節三十六
年卒年六十有一

馬氏郭貴妻十八于歸未週年而貴亡遺腹元變守
節撫孤元變入雍馬年九十三終

葉璽姑贈儒林郎葉蓮女年二十五適陳陣二十七
寡撫姪龍爲嗣娶內姪女貺娘爲媳龍復早世貺娘
與姑並苦志孀居姑歷節四十二年六十九終貺娘

海澄縣志

卷十四

節婦

廿八

亦年五十有四矣

許氏黃鐵麟妻太子少保許良彬女太子少傅黃陞
之仲子婦也年十八于歸四十日夫亡苦志四十二
年年五十九終子溱之襲廕治中

江怨娘甘添生妻未婚夫病瘵入門奉事湯藥年二
十夫死卽不事膏沐母欲奪其志不可家無擔石孀
守四十餘年嘗遇翁病刲股和藥以進病尋愈人稱
其孝節雙全年六十有八卒

曾氏陳爾吹妻年二十于歸二十六孀守苦節三十

餘年卒年六十有一

以上二十七條皆已
合例未旌表者

葉氏 吳氏 陳氏 陳氏 林氏
吳氏 高氏 朱氏 陳氏 戴氏
吳氏 郭氏 陸氏 曾氏 徐氏
蘇氏 黃氏 藍氏 王氏 程氏
徐氏 高氏 蔡氏 游氏 曾氏
洪氏 潘氏 蘇氏 薛氏 許氏
葉氏 儒士蘇虞卿妻賦性溫淑閨教夙嫻年十八于
歸三載遂孀守老翁在堂晨昏孝養撫幼孤荼苦備
嘗歷節七十餘年現年九十有七子松菽水承歡亦
年七十有六矣

海澄縣志

卷十四

節婦

廿九

吳氏黃燾妻年十六于歸相夫事舅姑克盡婦道不
幸夫歿家無粒積遺孤尚幼氏勤事女紅以資饗殮
撫孤成立苦節六十餘年現年九十有二

陳氏處士李力菑妻于歸三載夫亡孤子未週歲撫
孤成立苦節六十餘年現年八十有四

陳氏袁唐民妻年二十九守節撫孤子成立苦節五
十餘年現年八十有二

林氏年二十歸陳士傑二十六寡時有八衰老姑藐
孤方在抱氏奉姑慈幼歷節四十餘年現年七十有

五

韓朝韓妙同產兄弟也朝娶吳氏妙娶高氏生男曰祿未幾朝卒吳年二十二母勸改適吳佯諾及卒哭母迫焉吳方泔米碎鉢而誓執鉢片毀面昏仆母驚駭去妙跪請願以子嗣吳乃蘇不幸妙亦卒高年二十四共守一孤孀苦異常孤長娶馬氏事二孀姑尤謹孤又天馬亦守節高年六十三卒吳現年七十四朱氏山東登州守備宋朝佐妻年十八于歸生男世爵甫五歲朝佐奉公教習天津卒於官清白如洗氏年二十七孀守世爵現補連江營守備氏逢 覃恩封宜人現年七十

海澄縣志

卷十四

節婦

三十

黃氏儒士葉晃章妻年二十九矢志守節撫嗣子文馥癸酉科舉人協辦中書逢 恩封孺人現年七十陳氏儒士劉敦誠妻年二十六孀守家徒四壁舅姑未葬鬻奩資襄事教誨二孤子脯脩之需出自十指孤輝光旣冠遊庠氏苦節三十餘年現年六十一戴氏江璧妻于歸二載璧亡氏年十九奉養舅姑惟謹撫孤子重光成立歷節五十餘年現年六十九葉氏鍾志美妻十八于歸二十三寡孝事舅姑撫夫弟成立苦節六十餘年現年八十六子洪基監生吳氏林清淵妻年二十二寡撫孤子成立娶媳邱氏

年二十五又寡遺孤四歲家無立錐婦姑孀守吳歷節三十餘年卒邱歷節三十餘年現年六十有一郭氏江方祖妻年二十八夫歿孤應祿尚幼撫養成立娶媳蘇氏不幸應祿又早世蘇年二十六復撫孤孀守郭現年七十有八蘇年五十有九陸氏舉人陸梓永女年十八適戴良賴二十二寡撫孤企治遊庠娶媳楊氏企治歿楊復孀守孤宏綸娶李氏又歿李復孀守一門三節陸既早世楊現年七十有五李亦年五十矣

曾轉娘陳濟妻二十于歸二十四寡遺腹五月生孤

海澄縣志

卷十四

節婦

三一

魁勵志守節以養翁姑現年七十有八

徐換娘洪從妻二十七孀守現年七十有七

蘇氏林國畧妻十八于歸二十二寡現年七十有五

黃氏江南妻二十三寡迨事翁姑現年六十有三

藍氏陳廷尊妻浦庠生藍朝謨女二十于歸遺腹五

月生衍敬事老翁衍入庠氏現年七十

王全娘江呈蘭妻二十九孀守現年六十有六

程清娘前進士程公應龍女孫曾光華妻十八于歸

二十四寡迨事翁姑現年六十有九

徐淑娘陳嘉謨妻十七于歸十九而寡事姑四十餘

年現年五十有八子文濬監生

高氏江啓妻十七于歸甫三月而啓逝遺腹生男及娶媳甫生子又歿氏現年五十有四

蔡氏劉宏遠妻二十五孀守現年五十有六

游氏江鍾妻十九寡迨事翁姑現年五十有五

曾氏黃錫玕妻十六于歸十九寡現年五十有五

洪氏劉士華妻年二十三孀守現年六十有五

潘親娘許賓國妻十九于歸甫五月喪姑未卒哭夫

繼逝遺腹七月矢志撫孤竭情事舅歷節六十有一

蘇專娘庠生蘇全士女儒士葉歷章妻年二十六孀

海澄縣志

卷十四

節婦

三二

守撫二孤震巽皆成立歷節三十餘年現年六十二

薛氏葉向洸妻年二十七孀守撫孤子昊娶媳許氏

昊復歿婦姑並苦節薛現年六十有九

許氏黃錫瑾妻年二十于歸二十六寡邑令陳公鏞

旌以匾曰操貞黃鵠現年五十四歲以上三十一條
現在未請旌者

烈婦

謝氏 顏氏 蘇氏 吳氏

鄭氏 鄭氏 林氏 陳氏

沈氏 林忍姐 許氏 黃氏

柯氏 黃氏 蔡氏 顏氏 邱氏

庠生李樂只妻謝二娘石塘謝瑛瑤之女也既歸樂只常夜績佐夫誦讀夫病禱以身代卒不起搶地慟哭三日不水飲既暮歸與父母訣曰願從李生地下父母告其舅姑舅姑防之謹乃怡然曰無是也伺稍懈竟自經死顏色如生時年二十有三蓋順治七年也邑令陳廷楹旌以扁曰女中文山謝邑文節婦詩○濱咏顏氏林日暄妻善事舅姑盡婦道順治十七年六月流寇劫鄉村氏襁負二歲男被掠驅至涵頭橋繫於橋欄顏氏潛斷其繩奮躍墜海死羣盜駭嘆而去

海澄縣志

卷十四

烈婦

三三

李忍妻蘇氏于歸期年而忍病死遺命家貧無子當再適蘇陰戒匠人之治棺者踰其制將殮引刀自刺姑奪之復自縊又以救免其母私諷之蘇曰是狗彘我也卒縊死

謝楚材妻吳氏二娘吳我敬之女也康熙初遷濱海居民入內楚材夫嬪相携遇盜爲所執盜給之欲奉楚材爲主其實利吳姿色吳知之遽前拔賊刃割頸血沾衣未死再刺喉斷矣羣盜駭愕楚材亦逸去時離亂無有知而表之者然至今鄉里咸能道之

鄭氏名碧娘年十六適于士人曾合方十月而夫死

氏哭而哀取其環瑱髻髮及綺羅麗華之物悉投之火曰無爲吾身事矣朔望依禮哭奠家人莫有知其志者小祥祭畢閉戶投繯而死
鄭氏年十七歸曾美甫數月而美死氏痛哭昏絕者數其姑憐之時爲寬解然氏日毀瘠十月初冬寒風颯至氏瞿然曰吾去年以是月來初不意爾今吾夫幸有兄以終父母餘年他無所累恐九原人骨冷吾旦暮入地共保歲寒耳月之十日去年歸曾之日也氏炙雞酌酒哭盡哀夜定闔戶俄而房中格格有聲排戶視之則自縊死矣

海澄縣志

卷十四

烈婦

三四

林氏名姜陳宜之妻夫病篤與訣林誓曰俟卒哭相從地下耳及沒哀毀至期果投繯而逝

陳氏臨江知府陳克竣功姪女也夫顏而傑慥之裔爲狼山守備康熙二十四年以疾假辭迨病將革氏許以身殉截髮自誓夫沒斂含畢從容就縊族人憐之同穴窆焉

沈氏詔安人適許良惇甫八月而良惇死沈飲藥家人救之不死自縊又以救甦乃不食七日卒

汛兵婦林忍姐者同安人從夫隸汛於澄夫故暴悍林能以順下之夫病晝夜扶持衣不解帶迨其卒也

哭奠如儀既葬告其主將曰氏當從夫地下但求恩賞合殯則死且不朽主者曰若能如是乎結棚待之至期氏盛服遍辭鄰居諸女伴登棚從容四望見懸帛焉趨就之頸甫及手足下垂主者不及救奄然逝矣鼻洩雙墮如玉筋舉體溫柔觀者如堵時邑令趙之仕有故未及旌表卒亦失其姓名然至今談者猶

嘖嘖不衰

邑明經張井宿贈林節婦聯云結髮矢同歸維繫綱常山嶽重捐生羞再醮堅持節

操雪霜寒

林天祿妻許氏同安人壽寧學訓導汝周女年二十二嫁十二日夫亡時老姑在堂矢志守節哀哭如禮

海澄縣志

卷十四

烈婦

三五

三年喪畢老姑繼亡家故貧凡喪費悉出裝奩又不足取諸外家終喪與諸親訣曰命薄失所天又失所恃偷生何爲隨投繯死

黃氏靜娘同安人父其寬業儒教以內則諸書通曉大義年二十歸林建功舉男女子皆不育不幸林以血疚病故氏志在殉節水漿不入口及殯葬畢泣辭舅姑願與夫同穴七日沐浴更衣投繯自盡邑令嚴公暲旌以匾曰有烈士風

柯淑娘貢生潤聰女年二十四歸黃貌先是聰與貌父連財遂聯婚後兩家破落貌賭蕩欲議廢兩家父

母皆諾而女不願也曰身已許人貧賤甘焉入黃門
事舅姑惟謹且勸夫安分願以女紅供薪水夫不悛
既而將柯陰售富家子爲繼室柯知之行有日矣佯
爲修飾狀遂自經可謂烈矣

黃專娘年十九歸蘇潔週年潔病故專娘隨自經以
殉

蔡美娘謝昆妻年十九于歸八月夫死翁欲奪其志
美娘自經而死時乾隆二十六年五月也

邱保娘謝加祿妻年十八嫁夫婦相敬如賓週年夫
病故屍在床未殮保娘沐浴更衣遂投井死時乾隆

海澄縣志

卷十四

烈婦

三六

二十六年七月也

顏肯娘林朴妻俸滿千總顏富女也年十八于歸五
月夫亡及期年姑迫改適肯娘遂投井死

閨節

李氏 藍氏 邱氏 羅氏 陳氏

司馬氏 李氏 林氏 許氏

李氏許聘蘇宏濟未嫁夫亡李聞訃奔喪請於舅姑
爲夫立嗣以夫姪廣艾爲後守貞二十八年雍正三
年 旌表入節孝祠

藍氏李玉章未婚妻也聞訃奔喪立嗣撫養苦志三

十餘年以閨節老雍正 年 旌表建坊
邱氏三都人許配侯捷未婚捷死氏聞訃矢志殉節
卽奔喪朝夕哭奠如禮徹靈後命結棚以待素粧登
臺自經邑侯韓公鍾親臨祭奠三日始殮時六月顏
色如生一邑稱異

羅氏許配楊崇柔不幸崇柔早歿氏以未婚妻奔喪
服斬三年孝事舅姑立嗣撫養邑令劉公泗旌以匾
曰堅操砥俗

陳氏許配盧尊尊洋販寄書侍養待年氏卽于歸事
翁姑曲盡婦道逾年尊歸道卒氏甘心守貞姑爲立

海澄縣志

卷十四

閨節

三七

嗣教督成立旣婚娶生孫嗣子復歿氏卒年八十餘
人盡哀之

司馬氏名罕娘許配林長素未婚而長素販外洋身
故氏年十八聞訃欲自經家人嚴護之不得死乃懇
父母欲奔喪林家貧乏不能自存氏入門服三年喪
孝事舅姑菽水之歡皆出十指族人憐而敬焉爲之
立嗣乾隆二十年氏年五十有一苦志三十三載以
閨節終宗黨爲之治喪者百餘家

李氏年十六許字顏樹顯未婚樹顯歿氏素服奔喪
撫夫弟之子爲嗣守貞四十餘年年五十餘以閨節

終

林綿娘許字陳齊若未婚而齊若死訃至欲奔喪父母難之氏閉戶自經以救甦乃從其志及適陳立繼二子撫養成立守貞三十餘載無病而終長子前卒媳林氏亦孀守無異志云

許鴈娘許字袁添添歿氏年十六欲守貞父母不許絕粒數日舅姑聞知亦難之氏矢志靡他遂適袁家服三年喪立嗣撫養孀苦三十九年現年五十有幾

海澄縣志

卷十四

閩節

三八

海澄縣志卷之十四

終